

官板

扶桑略記 卷五

第四冊

一五	六二	二九	三〇	和書門類
冊	架	函	號	

二六	一五	三〇	和書
架	冊	號	類

內閣文庫	
番號	和 23096
冊數	15 (4)
函號	269 5




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





扶桑略記第五

淺草文庫

天智天皇

四十一代 王子男六人

号田原天皇 三人即位

治十年 但人不載系圖

舒明天皇第二子母齊明天皇也元年壬戌正月三日即位先帝崩後天皇即位之前七年辛酉八月為

救百濟國遣一萬七千人兵又同冬月天下大疾友


亡之人稍及過半時人以為豐浦大臣靈矣天下諒

聞天皇至孝素服稱制壬戌明年正月蘓我宿祢武羅

自任右大臣五十同月矢十萬隻糸五百斤綿一

千斤布一千端稻種千斛送百濟國三月大唐新

羅伐高麗高麗請救國家仍遣兵軍大唐軍與日本



扶桑略記第五

一

兵合戰高麗破而屬於日本釋道顯占高麗破屬日本國
 五月率船師百七十艘送于百濟國
 二年癸亥二月新羅國燒百濟南畔四州三月遣
 二萬七千兵伐於新羅國八月新羅國伐百濟國
 三年甲子三月四日相當大唐麟德元年玄奘三藏
 遷化歲年六十三也同月右大臣武羅自薨四五十
 百濟國善光王入本朝居住難波十二月大宰府
 築大堤貯水謂之水域
 四年乙丑百濟百姓男女四百餘人來朝即移置近
 江國神崎郡二月皇太后間人皇女薨孝德天皇

之后也新羅王遣使貢朝九月大唐使來朝上下
 合二百五十人十二月歸畢又百濟國男女二千餘
 人移于東國不論緇素皆賜官食
 五年丙寅正月高麗進調大唐沙門智由貢指南車
 三月皇太子往佐伯子磨連家問其所患
 六年丁卯春正月遷都近江國志賀郡大津宮本在
 大和國岡本宮二月三日天皇寢大津宮夜半夢
 見法師來云乾山有一靈窟宜早出見天皇驚寤出
 見彼方之山火光細昇可十餘丈火焰廣照甚為希
 有即召大伴連櫻井等令見皆奏奇異之相明日尋

求其地天皇行幸願滿法師等相具當彼火光處有
小山寺一優婆塞經行念誦之借問地山之名答
云古仙靈窟伏藏地佐々名實長等山于時優婆塞
自然失之罔知所在但其地躰骨林樹森々谷深巖
峻流水清涼寂寞閑空可稱勝地矣

七年戊辰正月十七日於近江國志賀郡建崇福寺
始令平地掘出奇異寶鐸一口高五尺五寸又掘出
奇好白石長五寸夜放光明天皇斂左手無名指納
燈爐下唐石臼內奉為二恩掌中捧燈恒供弥勒佛
及十方佛焉自尔以還靈驗如在天下之人無不歸

依同寺緣起云金堂一基五間檜皮葺奉造坐弥勒
丈六一軀美脇侍二菩薩像講堂一基五間檜皮葺
奉造坐藥師佛一軀美脇侍二并像小金堂一基三
間檜皮葺奉造座阿弥陀佛一軀美脇侍二菩薩像
三重寶塔一基檜皮葺奉造坐四方佛脇侍二菩薩
像燈爐一基構居唐石臼上鐘一口高六尺十三間
僧房一宇七間僧房一宇印藏一宇炊屋一宇五間
檜皮葺湯屋一宇三間檜皮葺竈屋一宇三間板葺
淨屋一宇五間檜皮葺己上崇福寺緣起二月戊寅日倭
姬皇女立為皇后古人大兄女同日以大海皇子立皇

太子天武天皇是也

五月日天皇猶蒲生野矣皇太子内

臣諸臣皆悉侍從自常陸國進白雉并生角馬勅造

百濟大寺今大安寺也年月不慳別造丈六釋迦佛像并

脇士菩薩等像安置寺中天皇夜致祈念之間曉更

有二女人來自天上容花端麗香氣遍滿禮拜此像

供養妙花讚歎良久謂天皇曰今見此像相好已具

與靈山實相毫釐無違可謂此土衆生甚有清信其

言未終飄然入雲又開眼之日瑞應不一紫雲滿空

妙音沸天等是也已上出彼寺記又甘露降於難波其形如

綿長五六尺廣八寸隨風飄落其味甚甘 同年新

羅沙門道行盜草以雉之劍向本國時風雨荒迷而遂持

歸 七月始任大宰帥 十月大唐國滅高麗 十

二月地震筑紫地裂廣二丈長三千餘丈嶺谷遷改

八年己巳五月天皇猶山科野 八月霹靂於内臣

鎌足之家 十月十三日内臣鎌足任内大臣内大臣此

時改中臣姓賜藤原朝臣授大織冠正一位稍纏沈

痾遂至大漸天皇幸於私第親問所患即詔曰若有

所思便可以聞大臣對曰臣既不敏敢當何言帝便

咽悲不自勝即時還宮遣皇太弟就於其家詔邈思

前代執政之臣計勞技能不足比公非但朕寵汝身

後嗣帝王實惠子孫不忘不遺廣厚酬答仍授大織冠以任太政大臣私云任太政大臣者其旨未詳雖出家傳世全不知轉大相國若以任內大臣書誤云太政大臣欵慥可考訪而已十六日辛酉薨于淡海之第時年五十有六勅曰一步不忘片言不遺仰望聖德伏深係戀加以出家歸佛必有法具故賜純金香爐持此香爐如汝誓願從觀世音菩薩之後到兜率阨天之上日夕夜々聽旅勒之妙說朝々暮々轉真如之法輪公卿大夫百官人等皆赴喪庭舉哀鼓吹自古帝王之隆恩宰輔之極寵未有若今日之

盛也大臣是大倭國高市郡人也其先出自天兒屋根命世掌天地之祭相和人神之間仍命其氏曰中臣義氣祐卿之長子也母大伴夫人大臣在孕而哭聲聞於外十有二月乃誕外祖母語夫人曰汝兒孌妊之日与常人異非凡之子必有神功夫人心異之將誕无苦不覺安生大臣性仁孝聰明叡哲玄鑒深遠幼年好學博涉書傳為人偉雅風姿特秀前着若偃後見如伏先後賜封都合一万五千戸也先是高麗王贈書於大臣曰惟大臣仁風遠扇盛德遐覃宣王化於千年揚芳風於萬里為國棟梁作民船橋一

國之所瞻仰百姓之所企望遙聞喜抃馳慶良深已
傳家 同年班鳩寺火大唐人郭務悰等三千餘人來
朝令居近江國蒲生郡高麗破滅

九年庚午閏九月六日大織冠内大臣改葬山城國
山階精舍勅王公卿士悉會葬所于時空中有雲形
如紫蓋絲竹之音聽於其上大眾聞見歎未曾有也
大臣性崇三寶欽尚四弘每年十月莊嚴法筵仰維
摩之景行說不二之妙理亦割取家財入元興寺儲
置五宗學問之分由是賢僧不絕聖道稍隆蓋斯之
徵哉大和國十市郡倉橋山多武峯是其墓所也上

家傳 同年大藏省并諸司等燒亡唐人男女七百餘
人來朝讚岐國貢四足鷄

十年辛未正月五日以大友皇子為太政大臣年廿五

歲天智天皇男也母采女伊賀宅子娘也太政大臣此時始之同日右

大臣兼我宿祢赤兄任左大臣九册同日中臣朝臣金

連任右大臣糠手子大連公之男也同日始置大納言三人初任

四月始用漏刻天皇太子時所製也 同月鎮西獻

八足鹿生唐人二千餘人來朝乘船四十七艘大炊

司有八咫同時俱鳴 九月天皇不豫天皇施入珎

財於法興寺 十月天皇臥病召於東宮大海皇子

列入大殿詔曰朕病旃甚後事付汝宜嗣帝位皇太子大海皇子固辭奏曰臣元多病何保社稷請以大后付屬鴻業令大友太政大臣奉宣諸政願為陛下今日出家欲修佛道便於內裡剃髮為僧而被袈裟入吉野山公卿等相從送之 同月立大友太政大臣為皇太子 十二月三日天皇崩同月五日大友皇太子即為帝位廿五年一云天皇駕馬幸山階鄉更無還御永交山林不知崩所陵以只履沓落處為其山恒事山陵山城國宇治郡山科鄉北山高二丈方元年壬戌如來滅後一千六百一十一年

天武天皇

四十一代 王子男十人

号清御原天皇

女十人

治十五年 無即位人

舒明天皇第三男母齊明天皇也

元年壬申五月大友皇子既及執政左右大臣等相

共發兵將龍衣於吉野宮于時舍人朴井赤兄金連連雄君奏曰

臣有私事至美濃時近江朝廷宣美濃尾張兩國司

曰為造山陵差定人夫人別令執兵杖是計非為山

陵恐必有事矣若不早避當有其危又或人奏云自

近江京至大和京處々置軍云々世傳云大友皇子

之妃是天皇女也竊以謀事隱通消息已於是吉野

宮言讓位遁世是為治病全愈也然今不圖之外其

禍招身何默止哉 六月遣人美濃國令發兵塞不破道天皇引率男女子息 同月十日步行入東國路遇縣犬養大伴鞍馬駕御之皇后載輿從之從者草壁忍壁二皇子舍人廿餘人女孺十有餘人即日到菟田吐鴉者廿餘人從之又米駄卅疋弃米令騎步行者夜半至伊賀國々司并數人從之明日高市皇子自鹿深カサ越遇之越大山至伊世鈴鹿於朝明郡大川邊望拜天照大神伊世國司發五百軍塞鈴鹿關大津皇子六七人男相具率三千人軍參來塞美乃國不破之道天皇居不破宮以高市皇子令監軍

事差使遣東海東山二道近江朝廷聞之悉愕京内併以騷動尾張守少子部連率二萬軍來歸即分其軍塞處々道以大伴連吹負為將軍 七月遣紀臣阿閉磨等率數萬衆自伊世大山越向大倭且遣村國連男依等率數萬衆自不破出直入近江國 同月七日丙申途戰斬近江將軍境部連藥 九日戊戌又斬近江國將軍秦友足等 十三日壬寅戰安川濱 廿二日辛亥到瀨田時大友皇子及群臣等急率數萬兵軍營於橋西左右成陣飛旗擊鼓驚車千里列弩乱放矢下如雨于時粟津朝廷大將軍智

尊先鋒距之爰有大分若臣奔長矛拔刀被矢入軍
斬智尊矣大友皇子走无所匿乃還隱山前左右大
臣等僅脫身逃散 廿三日壬子大友皇子遂以自
害男依等於粟津罪下亦斬近江犬上五十君等
廿四日癸丑將軍吹負等探捕左右大臣及諸罪人
等 廿六日乙卯向不破宮捧大友皇子之頭獻天
皇營前畢 廿七日丙辰右大臣中臣金連被誅左
大臣蘓我宿祢赤兄配流時年五十自餘左遷其負
甚多同日依其功勞各叙官位 八月天皇幸野上
宮立年号为朱雀元年大宰府獻三足赤雀仍為年

号 九月天皇還大倭京遷于岡本宮 十一月鄉食
新羅使

二年癸酉二月廿七日癸未天皇即位同日以菟野
皇女立為皇后都大和國高市郡明日香清御原宮
三月備後國進白雉仍改為白鳳元年白鳳合至十
四年 同月於川原寺始寫一切經智藏任僧正吳
學生福領僧正在俗時子也 四月十四日以大來
皇女獻伊勢神宮始為齋王依合戰願也 十一
月大嘗會丹波播磨供奉其事 十二月義成任小
僧都 同年大唐使郭務悰等賜純一千六百七十

三疋布二千八百五十二端綿六百六十六疋
三年甲戌八月奉祭諸神 十月齋宮向伊勢大神
宮

四年乙亥相摸國女一座產三男 同年土左國大
神太刀一口進天皇

五年丙子自春不雨天下大飢勅諸國講讀取勝仁
王等經親王以下內命婦等各給食封 同年秋七

月有星出東其長八尺

六年丁丑太宰府貢赤烏獻鳥之人被叙五品 三

月新羅使等入京 六月大地震動

七年戊寅三月地震日幡國貢稻一莖中有八千粒

十月甘露降十市皇子薨宮中

八年己卯正月新羅人入京貢金銀等

九年庚辰正月桃李生實 二月得麟角 七月割

伊勢四郡建伊賀國別駿河二郡為伊豆國 十一

月因皇后病造藥師寺鋪金末遂龍駕騰仙始鑄佛

於飛鳥淨原之朝畢造寺於養鳥藤原之宮土木之

功熟於三帝天武持統元明日月之營送於五代又加文武飯高寶

塔穿雲亘于千代不古珠殿承日歷于万劫長命東

南水面觀寶相之月西北山頭聞清涼之風金容垂

慈含二六之願鐘響遠聽滅百千之罪記為惡記云
 藥師寺清御原天皇之師僧祚蓮入定見龍宮樣習
 作也記寶塔二基各三重有裳層高十一丈五尺縱
 廣三丈五尺兩塔內安置釋迦如來八相成道形也
 金堂一字二重閣五間四面長七丈八尺廣四丈五
 寸柱高一丈九尺五寸佛壇長三丈三尺高一尺八
 寸安置文六金銅須弥座藥師像一軀左右脇士日
 光遍照菩薩月光遍照菩薩像各一軀已上持統天
 也又觀世音菩薩像二軀又帳外壇下佛前并左右
 造立綠色十二藥叉大将像高各七尺五寸南大門

五間二重長五丈廣三丈二尺東西居師子形各高
 七尺金剛力士中門一口五間一盖長五丈一尺廣
 二丈五尺高一丈六尺南面左右立二王像并夜叉
 形天及座鬼形等合十六軀講堂一字重閣七間四
 面在裳層高一丈三尺六寸長十二丈六尺廣五丈
 四尺五寸安置繡佛像一帳高三丈廣二丈一尺八
 寸阿弥陀佛像并脇士菩薩天人等像惣百餘軀奉
 繡之為天武天皇持統食堂一字九間四面正中一
 間內殿安置金銅半丈六阿弥陀佛像并觀音得大
 勢至菩薩各一軀經樓一口鐘樓一字懸鴻鐘一口

百濟國王所獻也西院安置弥勒淨土障子僧房十
四字上已

十年辛巳二月以草壁皇子立皇太子周防國貢赤
龜 四月立式九十二條 九月新羅貢調氏夕賜
朝臣宿祢連等姓 同年多祢國人進其國圖彼國
去京五千里居筑紫國南海之中切髮艸衣
十一年壬午大宰府貢三足鳥 四月天下男女皆
令上髮有種々變異相當大唐乘基法師卒年
十二年癸未停銀錢用銅錢 同年移百濟大寺建
高市郡夜倍村施加封邑七百戶公田三百町利稻

卅万東改名曰大官大寺今大安寺是也

十三年甲申天皇不豫於是皇太子艸壁皇子奉勅
群臣百官等共詣大官大寺各發願曰天皇御願於
此伽藍欲開法會而其願未遂晏駕將促繼難定業
願延三年之壽果此大願矣于時天皇感夢得延寶
筭如其所願三箇年間刻鏤佛像繕寫法文已上在大安寺
記 同年丹波國貢十二角犢大和國獻四足雞
十四年乙酉四月十四日難波宮并京宅皆失火
五月十四日地震山崩河涌舍屋悉損人畜多死焉
十月廿三日天文悉乱隕星如雨

十五年丙戌大倭國進赤雉仍七月改為朱鳥元年
 於信濃國令造行宮擬李東國溫泉八月七道諸
 國遣巡察使新羅國進調以草薙劍送尾張國熱田
 神社 九月四日天皇崩一云九月九日崩山陵大和國高
 市郡檜隈大内高五丈方五町是歲大友太政大臣子大友
 与多大臣家地造御井寺今三井寺是也依父遺誠
 建立之云々私云若天皇崩後建立之歟可考又天
 皇建弘福寺年月可考元年壬申如來滅後一千六百廿
 一年

持統天皇

四十二代 治十年

女帝 王子一人

号菟野皇后 无即位人

天智天皇第二女天武天皇之后也母山田大臣石
 川磨女越智娘也皇后臨朝稱制丁亥歲為其元年
 至第四年即位都大和國高市郡明日香清御原宮
 藤原宅

元年八月天皇請集三百龍象施与先帝御服所製
 縫袈裟各一條上是年新羅王子來朝獻金銀珍寶
 等并佛像等大津皇子將謀叛皇太子草壁尊仍十
 一月賜死四年廿皇子才學拔萃殊好文筆詩賦之興
 始自此時皇子之妃山邊皇女臨皇子賜死時被髮
 徒跣奔赴殉處矣見者或悲或哭 十二月饗蝦夷

男女三百餘人於飛鳥寺西觀下

二年戊子始定國忌近代天皇崩是

三年己丑正月朔乙卯自大學寮始獻卯杖以為恒

例 四月皇太子草壁尊薨 八月天皇幸吉野宮

十二月禁斷雙六

四年庚寅正月一日戊寅奉神靈劔鏡於皇后即天

皇位 七月公卿以下着新裝東斑幣天神地祇

同月五日以高市皇子為太政大臣七十天武天皇

三男也兼內舍人賜封二千戶合前五千戶也同日

多治比真人任右大臣七十多治比親王男宣化天

皇之曾孫也 九月天皇幸紀伊國

五年辛卯十一月大嘗會日幡播磨供奉其事始授

位記

六年壬辰三月三日天皇幸伊勢國 九月遣使諸

國定町段始置中納言石上朝臣曆初居其職有勅

令計天下諸寺凡五百四十五寺寺別施入燈分稻

一千束大官大寺資財奴婢種々施入改舊洪鐘加

調銅數千斤新鑄之

七年癸巳正月漢人始奏踏哥 同月詔曰令天下

百姓服黃色 六月詔高麗沙門福喜還俗 九月

辛卯日^{五日}天皇幸於大和國十市郡倉橋鄉多武嶺壬辰日車駕還宮己上出日本書紀弟卅卷同月遣新羅名僧于天下十月有詔講仁王經允於內裡講仁王寂勝經始自此時以為恒例近江國都賀山有醴泉涌出疾病皆愈

八年甲午五月始以金光明經百部置諸國每年正月上弦讀之其布施以當國官物充之大安寺僧弁通賜封四十戶相摸國進赤鳥二翼十二月乙卯日天皇還幸藤原宮大和國高市郡鷺栖坂地是也九年乙未九月赦獄徒

十年丙申七月太政大臣高市皇子薨四十卷其十一年丁酉二月以輕皇子立皇太子文武天皇是也日並知皇子亦名草壁皇子二男也七月天下大旱八月一日甲子天皇讓位輕皇子号太上天皇生年五十歲天皇之代官舍始以瓦葺之元年丁亥相當大唐第四主則天皇后四年如來滅後一千六百卅六年文武天皇卅三代王子一人即天位治十一年草壁皇太子第二子母元明天皇也以下續日本紀四十卷略抄天皇博涉經史尤善射藝元年丁酉歲八月一日甲子生年十五即位都大倭

國高市郡藤原宮 九月近江國獻白鰲丹波國進
 白鹿 十月新羅使來朝
 二年戊戌二月丙申日五日天皇車駕幸宇智郡 三月
 壬午日二日詔以惠施法師為僧正智淵法師始為律師
 惠輪僧正在 月丙申日八日近江國獻白樊石 七
 俗時子也 月禁博戲遊手之後 乙亥日十七日下野備前二國獻赤
 鳥 八月詔曰藤原之姓宜令其子不比等承之但
 意美万呂等者依供神事宜復舊姓 九月以當耆
 皇女為伊世齋宮 十月庚寅日四日藥師寺作畢詔衆
 僧令住其寺 十一月大嘗會美乃尾張供奉其事

始定律令

三年乙亥正月壬午日廿六日新羅女一產二男二女賜純
 五疋綿五屯布十端稻五百束乳母一人 癸未日廿七日
 幸難波宮 二月丁未日廿二日車駕還宮 三月甲子日九日
 河內國獻白鳩 五月丁丑日廿四日役君小角流于伊豆嶋
 已上斯役優婆塞者賀茂役公氏今高賀茂朝臣者
 也大倭國葛木上郡茅原村人也自性博學仰信三
 寶齒及二毛更居巖窟住葛木山卅餘箇年被藤皮
 餅松葉以之為業閑孔雀之神咒窮奇異之驗術乘
 五色雲通仙人都馳使鬼神汲水採薪仰山神傳大

和國金峯山与葛木嶺竝亘石橋可通行路爰鬼神
 等夜々運巖削調度始矣役行者迫云白晝露形可
 亘石橋然葛城峯一言主神愧其醜形不用其命曰
 茲行者以咒縛之置于谷底彼神託宣宮臣云僕元
 鎮守謀叛之徒然役君小角將傾國家先以繫縛天
 皇下勅召役行者昇空飛行不能輒捕窺其母小
 角自来仍配伊豆大島歷三箇年矣昼随皇命居伊
 豆嶋夜為練行往富士山身浮海上走如踏陸意馳
 震且飛如翥鳳已上異記私云役行者事雜出靈異記相違本傳如何具如下文書記
 六月戊戌十五日施山田寺封三百戶限卅年也 或記云

同比天皇於大官大寺內起九重塔施入七寶又於
 同寺內度五百人追感天智天皇御願欲造丈六佛
 像招求良工未得其人天皇合掌向佛發願曰冀遇
 工匠奉刻尊容其夜有一沙弥謂天皇言往年造此
 像者是化人也非可重來雜得良匠猶有斲斧之蹟
 雖云畫工豈无丹青之訛宜以大鏡懸於佛前拜其
 映像々則非圖非造三身具足見其形者應身之躰
 也窺其影者化身之相也觀其空者法身之理也功
 德勝利無過斯焉天皇夢覺而歡喜知如來之應願
 即以大鏡懸於佛前請五百僧大設供養上 七月

弓削皇子薨八月壬寅日伊与國獻白鷺 十三
 月始置於鑄錢司天皇夢覺而憐其疾故來之惑賦
 四年庚子三月己未日道昭和尚忽出異香光明遍
 室召弟子好調曰汝見光不答言已見法師識曰勿
 妄宣傳光自房出旋寺庭照耀良久光指西行端坐
 繩床遷化春秋七十二河內國丹北郡人也俗姓船
 連天皇甚惜遣使弔之弟子等以火葬之欲取其骨
 于時風忽吹至骨灰不知去所本朝火葬始之矣和
 上在生時兩牙放光弟子欲收此牙忽為鬼神取去
 已訖和尚持渡經論書迹文字並不錯誤今在平城

右京禪院

已上 國史

八月

乙卯日

長門國獻白龜

西乙

丑日勅僧通德惠俊并還俗代度各一人為用其藝
 也 廿六日右大臣多治比真人嶋任左大臣
 月壬寅大倭國一產二男一女賜純布綿稻乳母等
大室元 五年辛丑正月天皇御大極殿受朝拜於正門立鳥
 形幢左日像青龍朱雀幡右月像玄武白虎幡文物
 之儀於是始備矣 戊子日新羅使賜純百五十疋
 綿九百卅二斤布百端及小使并水手已上賜祿有
 差 同月藤原朝臣不比等任中納言即日任大納
 言時年四 役君小角有勅召及為憲記云大寶元年
十二

正月役公小角召返漸近鳳闕登虛飛本浮海度唐
 古人傳曰役優婆塞身居草座母尼乘鉢共以入唐
 外從五位下韓國連廣足元以行者為師敬重後妬
 賢德讒奏公家云小角誑惑世間為國凶亂也又葛
 木山之澗底常有吟音聞人尋至大巖藤纏疑是巖
 吟欵切放即纏如本繫縛已上出役公傳云役優婆
 塞者大和國葛上郡茅原鄉人也今改姓成高賀茂
 氏也著藤皮衣松葉為食吸花汁助保身命卅餘箇
 年誦孔雀王咒難行苦行大驗自在追聚鬼神令駢
 任吾國無比也於時金峯與葛山峰為行通於兩山

召集諸國諸神令度橋之時金峰大神不勝咒力而
 且作始之葛木一言主大神又且作始申於行者云
 自形尤醜夜間作之行者迫一言主明神云晝尚悵
 况將夜作哉早速可作度時一言主明神不勝於行
 者迫讒言於王宮役優婆塞擬傾皇位云々依咤宣
 追捕行者依咒驗力不被更捕故捕母籠於獄尔時
 行者為濟母出而至于獄邊稱名被捕也即被流遣
 於伊豆嶋矣爰行者晝隨王命居嶋孝順於母尼夜
 修行駿河國富慈峰已送日月但以藤原宮御宇天
 皇代白鳳卅七年丁酉歲二月十日流遣也然又件

神咤宣彼行者早速可致罪爰公家信用神讒言可
致遣勅使於彼島以白鳳五十六年十二月廿五日
到於嶋召出行者拔刀欲致之時行者不拒而勅使
前蹲居乞致刀左右肩并面背等經三度以舌舐畢
然返與使云今早可致者使受取其刀見上下者有
文寫取於絺見者富慈明神表文也驚惶言上待天
裁天皇召博士令說表文者當其辭云天皇可慎宗
是非凡夫大賢聖也早免致罪速迎於都城尊重可
令住修者也爰重勅使免致罪畢勞尊敬如神言于
時行者含怨咒力纏一言主明神以大寶元年辛丑

正月一日母子共度去於大唐自尔以降葛木一言
主明神所纏未免辛苦尤甚也不可讒言自在大神
得悉讎而于今未免脫伴行者唐國四千仙人中第
三座也以何知之者日本國求法遣唐副學生道昭
大德得五百賢聖請住新羅山寺講法花經時神仙
每日集會從道昭上人所說其中第三聖人以彼倭
音揚問論義時道昭法師驚奇云道昭已日本國副
學生也何所聖人乎其諱亦如何誰人以和音為問
哉時件聖人答言我是日本國大和國金峰葛山并
駿河國富慈峯等修行役優婆塞也時道昭法師從

講座下禮拜喜悅矣爰彼此讓敬交談畢依有衆生之心含恨捨山母堂自坐鉢渡來於此國踰躑送年雖然難忘本所三年一度詣住於金峰葛山富慈峰奇談奉代々天皇于今未忘朝恩但一言主葛木明神難可免脫云々然則件行者行於大唐國日夜朝暮令馳使八部衆道昭法師歸朝傳談我國焉于時貞觀十五年癸巳註記而已自彼大寶元年辛丑歲至于今年癸巳積年一百七十三年已上出本傳文私云此本傳文雖注年代未知作者是誰人哉往々相違真偽巨知又上文云丁酉歲配流下文云大寶元年辛丑度唐合經五年而何言白鳳五十六年已歷十年上下乖違白鳳四十七年至同五十六年

何為指南焉又白鳳合十四箇年也何云五十六年矣又役行者遇道和尚交談云母堂乘鉢共渡大唐此文恐是誂也道昭滅之後役君入唐母子同涉何云踰躑送年乎但小角相值道公之文書景戒記并類聚國史小角獨以通為時々竊行也是非母氏相具顯露飛去到已上私調也二月丁未日釋奠於是始矣 三月安倍朝臣御主人任右大臣元大納言年六十七 同月廿一日甲午對馬嶋國始貢白銀仍改為大寶元年自是以後年對馬嶋出白銀郡司等授二階位并賜絕綿布鍬等七月廿一日左大臣多治比真人嶋薨年七十八 八月壬寅日勅僧惠耀信成東樓并令還俗代度各一人 甲辰日太政官處分近江國志我山寺封起文武四庚子年

大正...

二二

計滿卅年筑紫觀世音寺封起大寶元年計滿五歲并停止之十四甲寅日遣使於河內攝津紀伊國等營

造行宮兼造御船卅艘為脩水行也九月丁亥日

行幸紀伊國十月丁未日車駕至武漏温泉

大寶二年壬寅正月癸巳日詔以智淵法師為僧正

弁昭法師為律師同年正月十五日善住任大僧

都同日僧昭任律師二月乙丑日諸國司等始賜

印鑑三月乙亥日始頒度量于七道諸國甲申

日分越中國四郡屬越後國甲午日信乃國獻梓

弓一千廿張以充大宰府同月大安寺道慈法師

付遣唐大使粟田道麿渡海道慈姓額田氏大和國

添下郡人也一云大寶元年道慈法師入唐四月

乙巳日飛驒國獻神馬七月美乃國大野郡人進

八蹄馬賜稻千束己巳日有勅被止親王乘馬出

入宮門九月一日々蝕天暗癸未遣使於伊賀

伊世美乃尾張參河五國營造行宮一云十月

幸參河國十一月還京十二月乙巳太上天皇不

豫大赦天下度一百人出家廿二日甲寅太上天

皇崩持統火葬大和國高市郡大內陵天武天皇之同

大寶三年癸卯二月癸卯日當于太上天皇七忌

仍遣使四大寺及四天王寺山田寺等卅三寺設齋
 焉 三月乙酉^{廿四}日以興福寺僧義淵任僧正大和國
 高市郡人俗姓阿部氏其父依無子息多年祈請觀
 音然間夜聞小兒啼音奇出見之柴垣之上有累白
 帖香氣普滿歡以取養不日長大天智天皇傳聞相
 共皇子令養岡本宮至是任僧正造寺号龍蓋寺俗
 云造五箇龍寺龍門龍福等 四月癸巳^日奉為太
 上天皇設百日齋於御在所 閏四月辛酉^日饗新羅
 客于難波館 同月^一日右大臣御主人薨^{六十}是
 歲立東西市 十月甲戌^{十六}日僧隆觀還俗頗涉藝術

兼知^九筆曆 大寶四年甲辰正月癸巳^日以^{大納言}石上朝臣曆
 為右大臣 三月僧都始分大小 五月五日甲午
 脩前國獻神馬即日大極殿西樓上見慶雲仍改為
 慶雲元年見雲人式部少丞小野馬養也貢神馬人
 授三階并賜純十疋糸廿絢布卅端缺卅具 六月
 乙丑^{十一}河内國古市郡人一產三男賜物 七月下總
 國進白鳥 同月粟田真人從唐歸朝 十一月周
 防國貢白鹿越後國貢兔毛布一張金鋪二枚
 慶雲二年乙巳三月癸未^日天皇車駕行幸倉橋離

宮 四月十七日丙寅日勅曰大納言四人宜瘞二
負更置中納言三人以補大納言之不足 九月丙
戌日置八咫鳥社 癸卯日越前國獻赤鳥貢鳥人
賜祿 靈異記云慶雲二年九月十五日庚申豐前
國宮子郡少領膳臣廣國忽以卒去逢三箇日十七
日申時又甦活而語云使有二人一頂髮舉束一少
子也路中有大川廣倚以金塗巖自其倚行至其京
時有八官人佩兵前有金宮王坐黃金座詔廣國曰
今汝者依汝妻恩也見昔死妻以鐵針打頂通尻
以鐵繩縛四枝王詔廣國曰汝實無罪可還於家然

慎黃泉事勿妄宣傳若欲見汝父即可見南方其父
抱熱銅柱鐵針卅七打之其身則以鐵杖夙三百段
昼三百段夕三百段合九百段每日打迫廣國見之
悲哭問云何受此苦父語子言我昔為養妻子或斂
生命或奪人物不孝父母不恭師長由此等罪受如
此苦痛哉苦哉汝速為我造佛寫經贖我罪苦慎之
莫忘言畢泣還其大橋下有守門人遮言凡入內者
更不還出廣國暫徘徊間小子出來時守門人跪禮
小子不障歸出廣國問小子言汝是誰人小子答云
吾是汝幼稚時書寫觀世音經也 已上 十一月己

異記

十一月己

丑^三日徵放諸國騎兵為迎新羅使也以正五位上紀
 古曆為騎兵大將軍 十二月乙卯^九日都下諸寺施
 食封各有差 乙丑^{十九}日有勅令天下女上髮又令脫
 裳著白袴 同月四品多紀內親王為伊勢齋 是
 年天下疫疾仍始追大儼 同年山背國相樂郡初
 產二男次二女後二女給物如例初二男有詔為大
 舍人

慶雲三年丙午正月朔日丙子天皇御大極殿新羅
 使等在列朝庭儀衛有異於常 四日乙卯彼使貢
 調 壬午^七日饗新羅使于朝堂奏諸方樂賜祿有差

二月十六日勅從一位封五百戶正二位三百五十
 戶從二位三百戶正三位二百五十戶從三位二百
 戶 七月乙丑^{廿四}日丹波紐馬二國山林火災遣使奉
 幣帛於神祇即雷聲忽應火災自滅 九月乙丑^{廿四}日
 行李難波 十月壬午^{十三}日還宮 同月淡海公城東
 第初開維摩法會屈入唐學生智寶講無垢稱經
 慶雲四年丁未正月藤氏賜大臣薨後贈階低 三
 月甲子^{廿六}日給鐵印于攝津伊勢等廿三国使印牧駒
 犢天下始用革帶 五月癸丑^{十六}日美乃国一產三女
 賜穀四十石乳母一人 乙丑^{廿八}日學問僧義法義基

摠集慈定淨達自新羅來 六月十五日天皇春秋

廿五崩 十一月丙午日 山陵大和國高市郡檜前安

古岡上 高三丈 遺詔云舉哀三日凶服一月朕之母

儀阿閉皇女宜攝万機嗣天皇位矣元年丁酉如來

滅後一千六百四十六年



扶桑略記第五 文政辛巳

